



Wanafunzi katika Shule

ya Kristo

Bali sheria ya Bwana ndiyo impendezayo, Na sheria yake huitafakari mchana na usiku.—Zaburi 1:2.

Akili ikaayo zaidi katika mapenzi ya Mungu yaliyofunuliwa kwa mwanadamu itakuwa thabiti katika ukweli. Wale wanaosoma na kujifunza wakiwa na shauku ya bidii kwa ajili ya nuru ya Mungu, wawe ni wachungaji au la, hivi punde watagundua katika Maandiko uzuri na uwiano ambao utateka usikivu wao, kuinua mawazo yao, na kuwapa msukumo na nguvu ya hoja ambayo itakuwa na nguvu ya kusadikisha na kuongoa roho....

Mtunga zaburi anatangaza juu ya mtu mwema: “Bali sheria ya Bwana ndiyo impendezayo, Na sheria yake huitafakari mchana na usiku.” Anarejelea kwenye uzoefu wake mwenyewe, na kutangaza: “Sheria yako naipenda mno ajabu, Ndiyo kutafakari kwangu mchana kutwa.” “Macho yangu yalitangulia makesha ya usiku, Ili kuitafakari ahadi yako”....

Yesu aliwaambia wanafunzi Wake: “Mjifunze kwangu; kwa maana Mimi ni mpole na mnyenyekevu wa moyo.” Ningewasihi wale ambao wamekubali nafasi ya ualimu, kwanza wawe wanafunzi wanyenyekevu, na daima kubaki kama wanafunzi katika shule ya Kristo ili kupokea kutoka kwa Bwana masomo ya upole na unyenyekevu wa moyo. Unyenyekevu wa roho, pamoja na utendaji wa bidii, utasababisha wokovu wa roho za thamapi zilionunuliwa kwa damu ya Kristo.... “Imani bila matendo imekufa.” Anataka ile imani itendayo kazi kwa upendo na kutakasa nafsi. Imani iliyo hai katika Kristo italeti kila tendo la maisha na kila hisia za nafsi kupatana na ukweli na haki ya Mungu.

Kuhangaika, kujikweza, kiburi, shauku, na kila tabia nyingine tofauti na Kielelezo chetu kitakatifu lazima zishindwe; na kisha unyenyekevu, upole na shukrani ya dhati kwa Yesu kwa ajili ya wokovu Wake mkuu daima vitabubujika kutoka katika chemchemi safi ya moyo. Sauti ya Yesu inapasa kusikika katika ujumbe utokao katika midomo ya mabalozi Wake....

Iwapo wale wanaotoa maelezo matakatiifu ya onyo kwa wakati huu wangeweza kutambua uwajibikaji wao kwa Mungu wangeona umuhimu wa maombi ya bidii. Miji iliponyamazishwa katika usingizi wa usiku wa manane, wakati kila mtu alipokuwa amekwenda nyumbani kwake mwenyewe, Kristo, Kielelezo chetu, alienda katika Mlima wa Mizeituni, na huko, katikati ya miti ifunikayo, alitumia usiku kucha katika maombi. Yeye ambaye Mwenyewe alikuwa bila doa la dhambi—nyumba ya hazina ya baraka; ambaye sauti Yake ilisikika katika zamu ya nne ya usiku na wanafunzi walioingwa na hofu juu ya bahari yenye dhoruba, katika baraka za mbinguni; na ambaye neno lake lingeweza kuwaita wafu kutoka makaburini mwao—Yeye ndiye aliyetoa sala kwa kilio kikuu na machozi. Hakuomba kwa ajili Yake Mwenyewe, bali kwa ajili yao aliokuja ili kuwaokoa (Testimonies for the Church 4:526-528).